

Korentitwo

a

Enyctudisa

Wema əla a, Yesu Kriso ye mədəqidə Pəlu i ɳrɔ ε. Wema əla i nyi əvə a tɔ kə i ɳrɔ qidə əhabəbə Korentitwo. Korenti a i nyi ədugan nə Akayii kanmə, i nyi ədu ɳkuvi ləji. Amə wo co dukon arɔkpa arɔkpa wo mə, i va bɔ də ədugan a mə; ajɔtɔn wo cawo sùgbɔ ləmə. Lə wema a mə a, Pəlu disa bə ye nyi amədəqidə Yesu tɔ àdòdo. Ènu kə dɔ i i lə wɔ ədɔ nə Mawu a, é ɖəgcmə nə Korenti tɔ wo, ə byɔ wo bə wo a ɖo rɔnrɔn, kidə tɔtɔjədu lə wɔdəkiwodomə, i la gbə zan àgbè kɔkɔ. È gbə byɔ Korentitwo bə wo ɖo alɔ lə ènu jɔjɔ kə wo a jɔ i sə də alɔ əhabəbə Jəruzalemu tɔ a mə. È gbə disa amədəqidə ye ce kpakpa kə i wɔdɛ a, nə amə kə fɔn ɬəgu dəji lə əhabəbə Korenti tɔ mə awo. È gbə disa nə Korentitwo bə ye ñ xwe wu vixomədəqidə kə lə trɔ wo co lə àdòdo mɔ a ji a o.

Lə wema a mə a, ənycta kəji Pəlu kənu do awo ɖoo kə: Pəlu nyi amədəqidə Kriso tɔ; Tɔtɔjədu; àgɔ cɔ kə amə; alɔ dədə nə əhabəbə Jəruzalemu tɔ, Vixomədəqidə wo.

Cocomə kə wema a hən awo ɖoo kə

Pəlu ci Korentitwo (1:1-11)

Ènu kə lə amədəqidə a kidə əhabəbə a domə a (1:12-7:16)

Èho kə wo jɔ nə Korentitwo kə lə Jude awo (8--9)

Pɔlu jækumarin də amədəqdıda ye cə kə ì wɔdɛ a ji. (10-13)

Aməcici

1 Ènyə Pɔlu, kə nyi Amədəqdıda Yesu Kriso tɔ, to Mawu yə jro mə a kidə mía nɔvi lə xɔsə mə Timɔte i lə ci mi. Ij lə ɲrɔ wema əla qıda əhabɔbɔ Mawu tɔ kə lə Kɔrenti a, kidə xɔsətɔ kə lə Akayii kanmə awo see. ²Mawu mía Dàdà kidə Àxotɔ Yesu Kriso nà na àfənu kidə fàfa mi.

Pɔlu do akpə nə Mawu

³Mía do akpə nə Mawu, mía Xotɔ Yesu Kriso ye Dada. Dàdà kə kpɔ nə àdònùmə nə amə a i ì nyi, i nyi Mawu kə fa nə èji n'amə lə ənu wo see mə a. ⁴Í fa nə èji nə mí lə mía vəvə səsə wo see mə, nə míacawo mía tə ñ fa èji nə amə kə lə vèvə səsə arɔkpa arɔkpa wo mə a, to əji fa nə amə kə i fa nə mí a mə. ⁵Nyawo a, míacawo mí lə sə vəvə sùgbɔ sigbə Kriso sə vəvə sùgbɔ a ənə, nənə kə i Mawu la fa èjì nə mí sùgbɔ to Kriso a ji a nə. ⁶Nə mí lə sə vəvə a, cagbə nə mia jì na fa nə mia kpɔ xɔgan i dɔ. Nə wo lə fa èji nə mía, cagbə nə mia xɔ èji fa nə amə, kə la dɔ i mia doji lə vèvə səsə kə mə mía cawo mi lə to awo mə i. ⁷Nguvidodo kə mí cɔ də mia ji qe a sənju taŋ, dō mí nya bə, sigbə mi ma mía vəvə səsə wo kidə mí a, nənə kə i mia gbə dō mama lə èjì fa nə amə kə mi a xɔ awo mə a nə.

⁸Nɔvi lə xɔsə mə wo, mí ji bə mia dəsi vèvə kə mí sə lə Azii kanmə a: Mí sə vəvə i ì wugan mí, ə wugan mía ɲusən wo kékə mí íj gbə dō ɲkuvi bə mía nɔ àgbə ca o. ⁹Adodo a, mí nya lə míadəkiwo mə bə, wo dō əkuhwə nə mí vò, ənu nyi ənə cagbə nə mí íj ka ka nə də míadəki ji o; vò a, mía ka nə də Mawu kə nyi nə aməkuku wo

a ji. ¹⁰Ye i xɔ mí gan l'èku hunna mɔki mə, i a gbə lə xɔ mí lə mə. Èen mí cɔ ñkuvidodo hunna mɔki dèji də bə a gbə xɔ mí gan. ¹¹Kə miacawo mi kpə də míaŋju lə mia ɖəxo wo mə a, Mawu la na ənu nyɔŋgbin wo mí to ɖəxo amə sùgbɔ tɔ mə, i amə sùgbɔ la do akpə nə ε də mía tamə.

Pɔlu trɔ ye dɔdɔ wo

¹²Ènu kə dɔ mí co mía wɔ akɔ a kə: Èkunu kə mía jì ɖə nə nə mí a, mí zan míagbə lə xixə a mə, l'ètaji a, kə mí zan kidə mi, lə kòkò mə kidə lə àdòdo kə co nɔ Mawu gbɔ a mə a, kpɔ í nyi àgbətɔ ñununyanya mə i mí zan ε lə o, vò a, to Mawu ye fənu mə i mí zan ε lə. ¹³Ðo mí í lə ñrɔ ənubulɔmə ɖiɖa mi zən lə ənu kə mi lə hrən i kpɔ ənu jəmə a ñu o, vò a, ï lə ɖo ñku bə mia kpɔnujə ənyɔ əla wo mə nyɔŋgbin, ¹⁴Kə i nyi bə mi kpɔnujə mə hwədeka bə, míawo i nyi ənu kə mi sə wɔ nə àkɔ a, nənə kə i miacawo mia va nyi ənu kə mía sə wɔ àkɔ lə Àxotɔ Yesu zangbə a nə.

¹⁵Lə kakadəji hunna mə a, ï ɖo e bə, ma va miagbɔ jəŋkɔ, nə mia kpɔ jijɔ də zəvəji, ¹⁶nə ma to miagbɔ yi Masedwani, i nə ï trɔ co Masedwani va mia gbɔ a, mia də alɔ ï nə ma yi Judee. ¹⁷Kə ï wɔ dɔdɔ hunna a, nyi ï bu ətamə kpɔ nyɔŋgbin gbɔxɔ i wɔ a? gákəmə ï lə to ənu awo a, àgbətɔ ye susu ɖəɖə i ï sə to wo a? Ï co ma nu bə «Èen» kidə «Èo» d'èdu a? ¹⁸Sigbə ənyɔ kə Mawu nu nɔ awo, əɖə ï trɔnɔ a, nə nə kə i ənyɔ kə mí lə nu nə mi a, í nyi «Èen» kidə «Èo» d'èdu a ənə. ¹⁹Ðo, Mawu Èvi Yesu Kriso ye nyɔ kə mí nu lə mia domə a, ənyə kidə Silasə* kidə Timɔte a, í nyi «Èen» kidə «Èo» d'èdu o; vò a, «Èen» ɖəɖə i í nyi. ²⁰Ðo əzə kə Mawu do awo see i nyi «Èen» lə

* 1:19 Silasə i wo gbə yɔ bə Silvain

Yesu mə. Ðo Kriso mə i mí nu nə «ami» lə i la sə kafu Mawu.²¹ I Mawu ɳta wɔ, i mí kidə mi və ri nə kə, lə Kriso a mə. Ye i gbə can mí,²² é də desi mí, i cɔ ye Gbòngbòn kókó də mía ji wo mə; ye i na mí kakadəji bə mía kpɔ ənunyɔe kə ì cɔ qdə nə mí awo xɔ.

²³ Mawu la q'ekunnu ɳ, nə i nyi ɳ lə xovi i əhun, ma ku. Nyə ɳ lə ji a də vəvə səsə nə mi o, ye i dɔ i nyə ɳ trɔ va Korenti o.²⁴ Mí ɳ ji a nu nə mi bə ənu əla mɔki i mia xɔsə koko o, qdə mi rikə lə xɔsə mə vɔ; vɔ a, əjro mí bə mía wɔ èdə kidə mi nə mia kpɔ jìjì.¹ Ye i dɔ, ɳ cɔ gbəta bə nyə ɳ ka trɔ va mia gbɔ, i la dɔn ɳtikuku va o.² Ðo nə ɳ do ɳtikuku ranmə nə mi a, mə ε i a gbə tə na ɳ jìjì? Amə kə ɳ do ɳtikuku ranmə nɔ a, la gbə tə na jìjì ɳ a?³ Ènu hunna i dɔ i ɳ ɳrɔ wema qd̄a mi: Nyə ɳ ji bə amə kə qdə la na jìjì ɳ, nə ɳ va mia gbɔ awo na dɔn ɳ də ɳtikuku mə o. ɳ ka də miawo see ji bə: Nə ɳ lə jìjì kpɔkpɔ mə a, miacawo see i nɔ nə jìjì kpɔkpɔ mə.⁴ Ðo vəvə səsə ganjgan kidə aye gbando n'amə mə i ɳ lə, i lə ɳrɔ wema a qd̄a mi kidə àqdàci sugbɔ lə ɳkuvi mə; ɳ nyi bə ma sə do ɳtikuku ranmə nə mi i o, vɔ a, ɳ wɔ ənə i a sə qdə rɔnrɔn ganjgan kə ɳ wɔd̄e nə mi a disa i.

Pɔlu cɔ àgɔ kə amə kə zu i a

2 Nə amə qdə dɔn ɳtikuku va a, ɳ nyi ənyə i ì dɔn ε va nɔ o, miawo see i ì dɔn ε va nɔ; vɔ a, mi ɳ ka kékə toho nə ənyə a din o.⁶ Ènu kə mia domə tɔ sùgbɔ la gbə nə amə a sun xoxo;⁷ ye i dɔ, mi cɔ ε sə kə e, i do ɳusən ranmə nə ε, nə ɳ ka qdə ɳtikuku ganjgan mə o.⁸ Ènə a, ɳ lə byɔ mi bə mia qdə disa nə ε bə yewo rɔn ε.⁹ Ènu hunna i dɔ, i ɳ ɳrɔ wema qd̄a mi; i la sə domi kpɔ bə mi sə nə ətonu lə ənu wo see

mə maa.¹⁰ Amə kə mia cō àgò də kə a, nyə ca ma sə kə e. Ðo nə ï cō àgò sə kə amə a a, cagbə miawo tō i ï sə kə e lə Kriso ñkō,¹¹ cagbətə nə Regba ï ka ðu lə mí ji o, dō mí dəsi ye susu wo nyòn̄gbin.

Pəlu yi Trowasə

¹² Gàkəmə ï va Trowasə i a do əñjə nyɔe Kriso tō a, Àxotə wō i èmō hun ï,¹³ vò a, ï lə bukpə mə də tan, dō nyə ï kpə nɔvinyə Titə o. Ye i dō, ï kran Trowasə tō wo i di yi Masedwani.

Ejidu kə lə Kriso mə a

¹⁴ Akpə dodo i jə nə Mawu, dō á dōn nə mí gàdəsyadə mə, i mía lə ye yomə to ejidu hwa kə mə mí l'èdu kidə Kriso lə a mə. Ë də nə Kriso disa nə amə wo to mía ji lə afisyafi, sigbə ceru kə ye hɔnhɔn gbandə afisyafi ənə. ¹⁵ Nyawo a, mí wō ðe sigbə ənu hɔntə nyòn̄gbin kə Kriso sə na Mawu ənə. Mí nyi ənu hunna nə amə kə Mawu xègan awo, i gbə nyi nə amə kə lə bu awo. ¹⁶ Nə amə ðəwo a, mí nyi əku ye hɔnhɔn kə kpətə nə amə yì əku a, nə amə kə kpətə awo a, mí nyi àgbà ye hɔnhɔn kə na nə àgbà a. Mə e ka tə ï wō èdə hunna mɔki?
¹⁷ Ðo mí ï wō ðe sigbə amə sùgbə kə cō nə Mawu nyɔ a sə wō nə àjɔ ənə o, vò a, kə i nyi bə Mawu i dō mí ðiða a, mí xo nə nu lə àdòdomə lə ñkō nə e lə ðeka wɔwɔ mə kidə Kriso.

Egunùnù ye ye

3 Mí gbə trō tō míadeki kafukafu i a? Mí hian i la disa əkunnu ðədə wema nə mi, sigbə amədəya wo ənə i a? Nɔmi mí a byɔ mi i a?
² Mianjtabo i nyi mía wema, i wo ñrō də mía jì wo mə, i amə wo see dəsi i, i hrən nə e.³ Eeñ, ə lə ganagana bə miawo i nyi wema kə Kriso ñrō i sə də asi nə mí a. Íj nyi koreci i ì sə ñrō e o, vò a, Mawu àgbà

àgbè a ye Gbòngbòn i wo sè ọrọ ε, ñ yi akpako èkpətə wo ji i wo ọrọ ε do o, vò a, wo ọrọ ε də àgbətə wo jìwo mə.

⁴ Kakadəji kə mí wɔ́dε, lə Mawu gbə to Kriso ji a, i dɔ i mí lə nu ənə. ⁵ Mí ñ ka tə nu bə mí wɔ́ èdɔ hunna lə míaŋtawo ọusən mə o, ọusən kə mi sè wɔ́ nə ε a, Mawu gbə i co nɔ. ⁶ Ye i wɔ i mí tə ñ yi ègùnunu yeye a ye məsəntə wo. Egununu yeye a ñ karen də əsə kə wo ọrọ a ji o, vò a, Gbòngbòn kɔkɔ ji i ì kanren do. Do əsə kə wo ọrọ a, amə i ì wu nɔ, vò a Gbòngbòn a àgbè i ì nanɔ amə.

⁷ Èsə kə wo ọrọ də akpako èkpətə wo ji a, y'edɔ i nyi na kprɔ amə yì ku, ganjikə əsə hunna ye kəkrə a, kɔ kékə Izrayeləvi wo ñ təŋ kρ Moyizi ọkuvi mə o, cagbə kəkrə kə lə kɔ lə ye ọkuvi mə a tɔ. Vò a, kəkrə hunna ñ nɔnɔ anyi diŋdin o. ⁸ Nə i nyi ənə a, Gbòngbòn kɔkɔ y'edɔ ye kəkrə ñ na kɔ wu ənə a? ⁹ Nə Èdɔ kə dɔn nə àgbətə wo yi ku a wɔ kəkrə dε dø ənə a; nə èdɔ kə cɔ nə àgbətə wo sè trɔ aməjɔjɔ lə Mawu ọkɔ a ñ na wɔ kəkrə dε wu ənə o mɔ? ¹⁰ Kəkrə dεdeca tɔ ñ gbə nyi ənuđekən lə ọkɔ nə Kəkrə ègbatə a o. Do kəkrə ifyatɔ wugan dεdeca tɔ taŋ. ¹¹ I nə ənu kə la nɔ anyi nə gàmə hwedeka a wɔ kəkrə dε dø nə dε e, nə ənu kə la nɔ anyi kékə sè yì a tɔ la nyi mɔ? ¹² Ọkuvidodo hunna i na mí kakadəji taŋ. ¹³ Mí ñ lə wɔ ənu sigbə Moyizi ənə o, ye i cɔ nɔ àvɔn cɔn ọkuvimə cagbə nə Izrayeləvi wo ñ ka kρ kəkrə kə ñ nɔ nə anyi diŋdin a ye yìyì o. ¹⁴ Vò a, wo cɔ ənu cɔn wo ye, i wo ye ñ ka gbə tə kρ ənu o, i kékə jé əgba a, nə wó lə hrən ənu lə ègununu xoxo a ye wema mə a, àvɔn hunna gbə cɔn aye dε nə wo. Amə kə lə Kriso mə a dεkən i wo dε nɔ àvɔn a lə aye ji nɔ. ¹⁵ Àdòdo i, kékə jé əgba a, nə wo lə hrən ənu lə Moyizi ye wema

mə a, àvòn ḥeka cō nō aye nə wo.*¹⁶ Vò a, Mawunyc wema a nu bə: «Nə wo trɔva Àxotə gbo a, àvòn a də nə ji i.»¹⁷ Àxotə kə ənyc wo lə nu ləla a, i nyi Gbòngbòn kɔkɔ, ləfi Àxotə Gbòngbòn lə a, amədəki si jəjə nōcū leena.¹⁸ Míawo see kə wo ḫə àvòn a ji i lə ȏkuvímə nō a, Amə wo kpɔ nə Àxotə ye ȏtikɔkɔ lə míamə sigbə əñuməkpcnu ənə. Ènə a, Àxotə kə nyi Gbòngbòn a trɔ nə mí. È na nō i mia wɔ ye nōcū mə ḫe, lə ȏtikɔkɔ kə na lə kɔ dəji gasyagamə a mə.

Àdàkù Gbòngbòn mə tɔ

4 To Mawu ye xomənycnyc mə a, é dɔ èdɔ hunna mí; ye i dɔ əñu ñj ku mí o.² Mí gbə ȏkpən nu kə wo wɔ nō l'ènugcmə awo, kpɔ mí ñj lə zan aye hizihizi o, kpɔ mí ñj lə d'ètagù nə Mawunyc a o. Vò a, mí nu nə àdòdo a lə gbaŋgba, ənə a, amə wo see nya nō l'aye mə lə Mawu ȏkɔ bə èdɔ hunna mɔki wɔtɔ i mí nyi.³ Nə əñenycɛ kə mí lə do a do zubru a, amə kə ka dɔn awo ḫədə i a do zubru nō.⁴ Amə hunna wo ñj xɔsə o, ḫo Regba kə nyi mawu xixə əla tɔ a wɔ i wo ye ñj gbə tə sə nə ənu gɔmə o. Ènə a, wo ñj tə gbə kpɔ nə kəkrə kə co əñenycɛ a mə o. Kəkrə hunna i nyi Kriso ye ȏtikɔkɔ, i Kriso a nyi Mawu ye nōcūmə.⁵ Íj nyi míantawo ȏe i mí lə do o, vò a, mí lə do əñe bə Yesu Kriso i nyi Àxotə, i míantawo mí nyi mia məsəntɔ cagbə Yesu tɔ.⁶ Mawu nu bə:

«Kəkrə na ḫi də zubru mə.»

Ye kə i nyi amə kə wɔ i kəkrə ḫi də mía jiwo mə, nə mía dəsi ye kəkrə kə lə kɔ lə ȏkuvímə nə Yesu Kriso a.⁷ Vò a, míawo kə wɔ àdàkù Gbòngbòn mə tɔ hunna ḫe a, mí wɔdə sigbə èko zè wo ənə, cagbətɔ

* **3:15** Moyizi ye wema i nyi bə Moyizi i ȏrɔ wema amatɔn ȏkɔtɔ əgu nunu xoxo a tɔ

wo a nya bə ηusən gaŋgan hunna a co Mawu gbə, ñ̄ co míagbə o.

⁸ Wo xa mí l'əmə wo see nu, v̄ a, wo ñ̄ gùdù mí o, mí ñ̄ gbə nya nə mía w̄ ənu m̄ o, ganŋkə, mí ñ̄ co mía ŋkuvi ɖodø bu o, ⁹wó l̄ d̄ aya nə mí, v̄ a, Mawu ñ̄ gbə nə mí ɖe o, wó c̄ nə mí gəjen, v̄ a, mí ñ̄ crɔn n̄ o. ¹⁰ Èku k̄ Yesu ku a, l̄ mía ɳtiran m̄ ɖe tegbees, cagbət̄ nə ye gbe na ɖe ɖəkyā disa l̄ mía ɳtiran m̄. ¹¹ Mí l̄ àgbè ɖe, v̄ a, ŋkəŋkə i wo jin̄ a wu mí, cagbə Yesu t̄. Ènə a, Yesu yegbə ca la nyi ɖəd̄e disa to mía ɳtiran k̄ ɖo la ku a m̄. ¹² Ènə a, èku l̄ w̄ èd̄c l̄ míam̄, i àgbè l̄ w̄ èd̄c l̄ míam̄. ¹³ Mawunȳ wema a nu b̄: «I xɔsə, ye i d̄ i ñ̄ xonu.» L̄ aye x̄sə t̄ ɖeka a m̄ a, mía cawo mí x̄sə, ye i d̄ i mí l̄ xonu. ¹⁴ Ðo mí nya b̄ Mawu k̄ nȳ Åxot̄ Yesu a la nȳ mía cawo kid̄ Yesu, i a w̄ i mí kid̄ miawo, mía va nɔt̄ l̄ ŋk̄ nə ε. ¹⁵ Cagbə miat̄ i ənu hunna wo see j̄, nə am̄ k̄ej̄i afənu Mawu t̄ l̄ k̄ do awo na l̄ sùgbo d̄eji, i èd̄è k̄ am̄ wo la l̄ xo s̄ do akp̄ nə Mawu a, la l̄ j̄eji ŋk̄ ŋk̄ nə kafukafu Mawu t̄.

Kafukafu mav̄ ye ŋkuviɖod̄o

¹⁶ Ye i d̄ əñu ñ̄ ku mí o. Bari nə ənu k̄ mí nyi l̄ ɳtiran m̄ a l̄ danhən h̄ɖeka h̄ɖeka ca a, ənu k̄ mí nyi l̄ Gbòngbòn m̄ a na l̄ k̄p̄ ŋusən ŋk̄ ŋk̄. ¹⁷ V̄ev̄ s̄sə k̄ m̄ mí l̄ ɖe ifya a, ḡam̄ hw̄ɖeka i mía nɔm̄ n̄, v̄ a, é va na nə mí kafukafu ganŋgan, i kafukafu hunna ə le ɖe tegbees, i wugan mía v̄ev̄ s̄sə wo. ¹⁸ Ðo ñ̄ nyi ənu k̄ ŋkuvi l̄ k̄p̄ a ji i mí c̄ mía ye do ɖe o, v̄ a, ənu k̄ ŋkuvi ñ̄ k̄p̄n̄ o a ji i mía ye l̄. Ènu k̄ ŋkuvi l̄ k̄p̄ a, ñ̄ nɔn̄ anyi o, v̄ a, ənu k̄ ŋkuvi ñ̄ l̄ k̄p̄ a i nɔn̄ anyi k̄ek̄ s̄ yì.

5 Ðo mí nya b̄ nə wo dahən míaɳtiran k̄ nyi àgbèx̄ anyigbanji t̄ a, Mawu w̄ àxo d̄e s̄əxo ɖe nə mí, i ì nyi nɔxo mav̄ mav̄, ñ̄

nyi àgbètɔ ye lɔ i wɔ ε o. ² Ye i dɔ, mí lə salaro, qo əjro mí taŋ bə mía cɔ mía ɳtiran kə nyi səxo tɔ a do. ³ Nə mí do e a, wo í ka gbə kpɔ mí lə ama o. ⁴ Đo míawo kə kpɔtɔ lə àgbèxɔ anyigbanji tɔ əla mə a, mí lə salaro sigbə agban kpənkpən qə gɔmə i mí lə ənə, í nyi bə mí ji a do lə ɳtiran anyigbanji tɔ kə mə mí lə a i o, vɔ a, ənu kə mí lə ji a, i nyi bə mía cɔ ɳtiran səxo tɔ a do dəjì, nə ənu kə lə agbə a na cɔ ənu kə l'etə nə əku a sə mi. ⁵ Mawu ɳta i wɔ mi qə ənə, nə mía kpɔ tɔtɔ hunna mɔki, é na mí ye Gbɔngbɔn kə nyi kakadəjì ənu nyɔŋgbin kə i cɔ qə nə mí awo tɔ. ⁶ Gàsyagamə i mí ka nə dəjì qə taŋ, qo nə mí kpɔtɔ lə àgbè lə ɳtiran əla mə a, ənyi bə mí lə àzògə qə nə Àxotɔ yə nɔxo nə. ⁷ Xòsə kə mi wɔqə a mə i mí l'agbə lə, í nyi ənu kə mí lə kpɔ a mə i o. ⁸ Èen mí ka dəjì qə taŋ, i ənu kə jro mía i nyi bə mía co lə ɳtiran əla mə, i la ve nɔ àgbè lə Àxotɔ gbɔ. ⁹ Vɔ a, nə mí nɔ àgbè lə ɳtiran əla mə a, nɔmi mí co lə mə a, ənu kə l'etaji a i nyi mía nyɔ Àxotɔ ɳkɔ. ¹⁰ Đo míawo see i qo a va Kriso ye kojodoxo, i aməsyamə la xɔ ənu kə i wɔ gákəmə i lə ye ɳtiran mə lə anyigban ji a ye fəntu, ə tə nyi ənyɔe nɔmi əvçen.

Mí trɔjədu kidə Mawu to Kriso ji

¹¹ Mí dəsi ənu kə bùbù qo nə Àxotɔ nyi a, i mí lə ji bə amə wo na xɔ də míatɔ ji. Mawu dəsi mi nyɔŋgbin, i ɳ kpɔ bə lə miaŋtawo ye mə a, mia cawo mi dəsi mí. ¹² Mí íj gbə lə ji a trɔ kafu míadəki wo lə mia gbɔ o, vɔ a, mí ji a na əmɔ mi nə mia do bùbù də mía ɳu. Ènə a, mia kpɔ ənyɔci kə mia na nə, amə kə cɔ nə ənu kə lə ɳkuvita wo sə wɔ nə àkɔ, i íj cɔ nə ənu kə lə aye mə awo sə wɔ nə àkɔ a o. ¹³ Đo nə mí nyi amə kə ətamə íj sògbə nɔ a a, Mawu i mí nyi i nɔ; kpɔ nə mí nyi amə kə ətamə sògbə nɔ awo a, mia wo i mí nyi i nɔ. ¹⁴ Đo, Kriso

ye rònròn d'u lè mía ji, i mí kadəji bə: amə ñeka tɔtɔ i ku də amə wo see tamə a, ənə a, amə wo see i ku nə. ¹⁵ È ku də amə wo see tamə, cagbə nə amə kə lè àgbè awo í ka gbə nɔ àgbè nə wɔntawo o, vò a, wo a nɔ àgbè nə amə kə ku, i gbə nyɔ nə wo a.

¹⁶ Kə i nyi ənə a, co ifya, mí í ka gbə cɔ àgbètɔ ye sə kpɔ amə ñə o, nə mí cɔ àgbètɔ ye sə kpɔ Kriso ñeñeca a, mí í ka gbə cɔ aye hunna sə kpɔ ε ifya o. ¹⁷ Ènə a, nə amə ñə lè Kriso mə a, é trɔ ənuñdɔ o yeye: Ye zanzan xoxo tɔ wo vayi, i yeye awo va. ¹⁸ Ènu hunna wo see a, Mawu gbɔ i wo co, ye i wɔ i mí trɔjədu kidə e, to Kriso ji, ye i cɔ ədɔ də asì nə mi bə, mía dɔn aməbu wo va, nə wo a trɔjədu kidə e. ¹⁹ Ðo Kriso ji i Mawu to i trɔjədu kidə xixə a, kpɔ í cɔ ñkuvi də àgbètɔ wo gɔjəjə ji o. È cɔ tɔtrɔjədu ye nyɔ a jajra də asì nə mí. ²⁰ Mí nyi afɔ cɔ d'ətə tɔ Kriso tɔ wo, Mawu ñta i lè yɔ mi, to míaji: Mí lè də akpə nə mi lè Kriso ñkɔ mə bə mia trɔjədu kidə Mawu. ²¹ Kriso í jə àgò kpɔ o, vò a, Mawu dro e mía gɔjəjə wo, ənə a, to Kriso ji a, Mawu cɔ mí trɔzun amə jɔjɔ. ¹ Ènə a, míawo kə wɔ ədɔ kidə Mawu a, mí lè byɔ mi bə mi í ka gbə afənu kə mi xɔ lè Mawu si a ñe gbale o. ² Ðo Mawu nu bə:

« *Kə ənyɔε gamə sun a, ñ ðo ato əwo,*

i kə xògan zan gbə sun a, ñ də alɔ əwo.»

6 Ègà kə mə Mawu ðo a i sun ifya kə; xògan zan a i sun ifya a kə.

³ Mí í ji bə amə ñe na kpɔ ənyɔ vɔen ñə nu də mía dɔ ñu o, ənu hunna i dɔ i mí í lèji a nyi àfɔ krənu nə amə ñe l'ənuñdɔ mə o.

⁴ Vò a, mí tə nə kpɔ i ñə nə mía ñekiwo disa l'ənu ñeysadə mə, bə mí nyi ədəwɔtɔ Mawutɔ: Mí də nə vèvə ənu sùgbɔ, lè vèvə səsə wo mə, lè ənu co amə wo mə kidə l'ənu kə co nə àdika nə amə a wo

mə. ⁵ Wo xo mí, wo tu mí də gàkpa mə, wo bɔ àhwà də mía nyu, mí wɔ cə sənju sənju wo, mí ñ dɔn nə arɔn o, kpɔ mí ñ tə qù nə ənu o. ⁶ È lè ənə gbòxo, mí qə nɔ disa bə Mawudɔ wɔtɔ i mí nyi to jìmə kɔkɔ mə, to ənunyanya mə, to jìgbòdì xèxè kidə xomə nyuyɔ mə, to gbòngbòn kɔkɔ mə, to rɔnrɔn àdòdo tɔ mə; ⁷ to àdòdo kə mí lè jra a mə, to Mawu ye nyusən mə. Ènu jcɔ wɔwɔ i nyi àhwà wɔnu kə mi sə wɔ nə àhwà a, ye i mí gbə sə xɔ əta nə míadəkiwo lè àhwà mə. ⁸ Wo qo nɔ bùbù nə mí, wo gbə do nə ŋkpən mí, wo nu nə mía nyɔ nyògbin, wo gbə nu nə mía nyɔ vɔen, wo cɔ nə mí kpɔ vixòtɔ wo, ganjəkə àdòdo i mí lè nu. ⁹ Wo kpɔnɔ mí sigbə amə kə wo ñ dəsi ənə o, ganjəkə wo dəsi mí; wo kpɔ nə mí sigbə amə kə ka ku awo ənə, ganjəkə mí l'agbə qe; wo dɔn nə èto nə mí, ganjəkə wo ñ wu nə mi o. ¹⁰ Wo dɔn nə mí də ñti kuku mə, ganjəkə mí kpɔ nə jìjì gaðesyadə mə; wo kpɔ nə mí də ayatɔnɔ wo, ganjəkə mí wɔ i amə sùgbɔ trɔ àdòkùnɔ, wo kpɔ mí də amə ma wɔ ənu qə qe, ganjəkə ənu wo see i lè mía si.

¹¹ Èxrc vəvə Korentitɔ wo, mí nu xomə nyɔ nə mi. Mí rɔn mi tanj. ¹² Míawo mí rɔn mi nyògbin, vò a, miawo i ñ rɔn mí o. ¹³ Ènə a, ñ lè xonu nə mi sigbə əvinyə wo ənə, mi wɔ nɔ nə mí, sigbə mía cawo mí wɔ nɔ nə mi ənə, mi qo rɔnrɔn ganjgan nə mí !

Mi hən aye də Maxɔsətɔ wo nyu

¹⁴ Mi ñ ka do əha kidə maxɔsətɔ wo o, əka caca kee lè ənə jcɔ wɔwɔ kidə ənu majɔmajɔ wɔwɔ mə? Nɔmi kəkrə kidə zubru a tə ñ nɔ ədu a? ¹⁵ Kriso kidə Regba a təŋ nɔ ədu a ? nɔmi ənyɔ kee lè xɔsətɔ kidə Maxɔsətɔ domə ? ¹⁶ Èka caca kə e lè Mawusənxo kidə voduwo domə ? Do Mawu agbə agbə a ye xɔ i mi nyi, sigbə Mawu nu i qe bə:

« *Maa nɔ wo domə, i la zɔn lə wo domə.*

Naa nyi wo Mawu, i wo a nyi tiin dunkɔn »

¹⁷ Ye i dɔ a, Ètchonɔ bɛ:

« *Mi co lə wo domə, nə mia nɔ àzègə nə wo,*

mia lɔ ñ ka tɔ ənu makɔ makɔ qə o, ənə a, maa xɔ mi.

¹⁸ *Maa nyi dàdà nə mi, i mia nyi əvi nyucu kidə əvi nyɔru wo ŋ.*

Nə i Ètchonɔ ŋusən see tɔ a nu a nə.»

7 Èxrcnyɛ vəvə wo, kɛ i nyi míawo i wo də əzə hunna wo nɔ a, mi na nə mía hən mía ŋtiran wo kidə mía lùvɔ wo də kòkòji, mía jə agbagba i la zan agbə kɔkɔ sə to bùbù qo nə Mawu ji.

Pɔlu kpɔ jìjò

² *Mia jì mə na kɔ də mía ŋu, mí ñ jə àgɔ də amədə o, mí ñ vɔ amədə o, mí ñ brə amədə qn o.* ³ *Kə ŋ lə nu ənə a, ñ nyi ŋ lə qohwe nə mi o; qn ŋ nu i nə mi ɖeɖeca bə mi lə míaji wo mə, i mí l'ədu nə əkugbə àgbəgbə.* ⁴ *ŋ qəjì də mia ŋu taŋ, ŋ cɔ nə mi sə wɔ àkɔ taŋ, èjì mə fa nɔ ŋ, i èjì jɔ nə ŋ taŋ lə mía vəvə səsə wo see mə.*

⁵ *Đo co gákəmə mí va Masedwani a, mí ñ kpɔ gbɔngbòn qekən o, mí sə vəvə arɔkpɔ arɔkpɔ wo, amə wo na lə wɔ ajrə kidə mí, i vònvnɔn na lə aye mə qe nə mí.* ⁶ *Vò a, Mawu kə fa nə èjì nə amə kə əŋu ku awo, fa èjì nə mí to Titə ye vava mə.* ⁷ *ŋ nyi ye vava qədə i fa èjì nə mí o, vò a, èjì kə mi fa nə ε ca lə mə. Sigbə mi jro vəvədə bə yewo a kpɔ ŋ a, ŋtikuku kə mə mi lə a, kidə sigbə mi l'əgbəsɔsɔ mə i la jə kumarin də əjinyə a, é nu i nə mí. Hunna wo i dɔ i ŋ gbə lə kpɔ jìjò kpə e.*

⁸Ifya a, nə wema kə ŋ ŋrɔ qidə mi ɖedeca a dɔn mi də ɳtikuku mə a, ŋ və əŋunyə o. Gàkəmə ŋ kpo bə wema a dɔn mi də ɳtikuku mə nə gàmə hwedeka a ɖedə i və əŋunyə.* ⁹Vò a, ifya a ŋ lə kpo jìjì, ŋ nyi ɳtikuku kə mə ŋ dɔn mi do a taðo i o, vò a, ɳtikuku a dɔ i mi trɔ jòjò. Mawu ye jro i nyi ɳtikuku kə mə mi nə a, ənə a, mí ʃ wə ənunçen ɖə də mia ŋu ənə. ¹⁰Do nə wo nə ɳtikuku kə nyi Mawu ye jro a mə a, ə cɔ nə amə trɔ jòjò, i jòjòtɔtrɔ hunna a na nə amə xògan, i ʃ gbə və nə amə ŋu o. Vò a, ɳtikuku kə mə xixə a dɔn nə amə do a, əku i i kprɔ nə amə yì. ¹¹Ifya a, əjro Mawu tɔ i nyi ɳtikuku kə mə mi nə a, i mi kpo ənu kə i na awo: Eεn! mia ɳtawo mi kpo sigbə mi co də ənu hunna kə jɔ a ji mɔ a, Sigbə mi j'ekumarin də miaɖəki wo ji mɔ a, sigbə mi sə vəvə mɔ a, sigbə mi bu Mawu mɔ a, sigbə mi jro i la kpo ŋ mɔ a, sigbə mi bi də ənu wɔwɔ ŋu ðo a, sigbə mi jro i la dɔn əto nə amə kə wə ənunçen mɔ a. Mi ɖə disa to arɔkpa ɖesyaɖə mə bə xomə gbalə nə i yewo nyi lə ənu hunna kə jɔ a mə.

¹²Ye i dɔ, nə ŋ ŋrɔ wema qidə mi a, ʃ nyi cagbə amə kə wə ənu də àgɔ a, nɔmi amə kə wo wə ənu d'agɔ nə a tɔ i o. Vò a, nə mia vəvə də ənu də mítatamə a na nyi ɖedə disa lə miadomə lə Mawu ŋkɔ i dɔ.

¹³Hunna i dɔ i sigbə mi zan mɔ a, fa jì nə mí.

Sə kpə nə ɛjì mə kə fa nə mí a, mí gbə kpo jìjì ganŋgan, cagbə jìjì kə Titə kpo a tɔ, ðo miawo see mi wɔ i i ye yə vo. ¹⁴ʃ kafu mi hwedeka lə Titə ŋkɔ, i nyə ʃ ɖu ŋkpən o. Vò a, sigbə mí nu nə àdòdo nə mi gàsyagàmə a. Nənə kə, sigbə mí kafu mi lə Titə gbo a ca nyi àdòdo. ¹⁵Eñə a, nə i ɖonju sigbə miawo see mi s'ətonu mɔ a, i gbə ɖonju sigbə mi xɔ ε mɔ kidə bùbù, kidə kùkù kuku mɔ a, rɔnrɔn kə i

* 7:8 Kpo 2:3-9

do nə mi a gbə jə nə ji kpə e. ¹⁶ Èji lə jə ñ bə, ñ co maa qəji də mia ñu l'ènuwo see mə.

Ènu jèjè nə èhabəbə Jérizalemù tɔ

8 Nɔviwo, mí ji bə mia nya sigbə afənu Mawutɔ wɔ ədə cm lə èhabəbə Masedwani tɔ wo mə a. ² Wo to vəvə səsə sùgbə mə, ganjəkə wo jijə kpɔkpɔ gbə sùgbə taŋ. Hunna i dɔ, i wo nyɔ xomə i na ənu sùgbə, ganjəkə ayamənɔ ganjəgan wo i wo nyi. ³ Ù lə d'ekunnu bə wo na ənu sigbə wo sunji mɔ a, wo gbə na ε wugan sigbə wo sunji mɔ a, kidə wo ñtawo jro. ⁴ Wo kri mí taŋ, i byɔ bə mí a na əmɔ yewo ca, yewo a qo alɔ lə ənu nana kə wo ka sə də alɔ xòsətɔ kə lə Jérizalemù awo mə. ⁵ Wó wɔ ε wugan sigbə mí qo ñku mɔ a, wo cɔ woqəkiwo nə Àxotɔ jəŋkɔ, kina ñgbə a, to Mawu ye nujromə a, wo cɔ woqəkiwo sə nə mía cawo. ⁶ Ye i dɔ, mí byɔ Titə vəvədə bə xomə nyɔnyɔ ədɔ, hunna kə ji i jə lə miadomə qədəca a, na wɔ ε ənə sə yì vònɔ mə. ⁷ Mi yì ñkɔ taŋ l'ènu wo see mə: Lə xòsə mə, lə nuxo xoxo mə, l'ènunyanya mə, lə vèvə də nə ənu arɔkpa arɔkpa wo mə, kidə lə rɔnrɔn kə mi qo nə mí a mə. Kə i nyi ənə a, mi yì ñkɔ lə xomə nyɔnyɔdə hunna ca mə.

⁸ Ù nyi bə ñ lə nu i sigbə ègbə qədə ənə i o, vònɔ a, ñ nu vəvə də nə ənu amədəya wo tɔ nə mi, i la kpɔ bə mia rɔnrɔn kə mi qo a nyi àdòdo ma. ⁹ Do mi nya sigbə mía Xotɔ Yesu Kriso wɔ afənu nə mi a. Ya kə nyi àdòkunɔ a, cɔ qəkyə sə wɔ ayamənɔ cagbə mia tɔ, i la do àdòkù nə mi to ye yamənɔ nyinyi mə.

¹⁰ Ma nu ənu kə ñ kpɔ də ənyɔ hunna ñu a nə mi: È nyɔ i ənu kə gòmə mi jə a, mia qɔñu də e. Do miawo i nyi amə jəŋkɔtɔ kə tɔ ədɔ a wɔwɔ a, ñ nyi hunna qədə i o, miawo i gbə nyi amə ñkɔtɔ i sə qo

anyi kɔnmɛ. ¹¹ Ifya a, ə jə bə mia wɔ ədɔ kə gɔmɛ mi jə a vɛ, sigbə mi ɖo əjro nyɛ i sə ɖo anyi a, mi gbə cɔ əjro nyɛ hunna mɔki sə wɔ ε yi vòvò mɛ. Mi wɔ ε kidə ənu kə lə mia si a. ¹² Ɗo nə wo cɔ əjro nyɛ i sə na ənu a, ənu kə lə amə si a i Mawu kpɔ nɔ, i xɔ nə ənu nana a, ɳ nyi ənu kə Ȑ lə amə si a, i ì kpɔ nɔ o.

¹³ Ȑ nyi wo a cɔ ənu kə lə amə si a see sə də alɔ amə ɖeya wo, i la va jə gbale i ɳ lə nu o, vò a, amə kə wo lə də alɔ a kidə amə ɳta tɔ və na sɔ. ¹⁴ Ifya kə ənu sùgbɔ lə mia si a, mi co mia də alɔ amə kə ənu hian awo, ənə a, nə ənu ɖə va hian mia cawo gbəɖə, i wo cawo wɔɖe sùgbɔ a, wo a də alɔ mí. Sigbə amə wo see la sɔ mɔ a nə. ¹⁵ Sigbə ənu kə wo ɳrɔ də Mawunyɔ wema mɛ a nu a nə, wo ɳrɔ bə:

« *Amə kə lɔ sùgbɔ a,*

Ȑ *kpɔ əɖə də ji o*

amə kə lɔ hɔɖeka a,

Ȑ *hwe də e o.*

Titə kidə y'ehadɔwɔtɔ wo

¹⁶ Akpə nə Mawu kə cɔ vəvə də nə ənu kə lə míamə a mɔki də aye mɛ nə Titə, də mia ɳu. ¹⁷ Titə rɔn mía yɔycɔ, wu ənə a, bìbi də ənu ɳu kə lə si a dɔ, i ì cɔ gbèta zedeka, i la va miagbɔ. ¹⁸ Nɔvi kə əhabɔbɔ wo see na lə kafu, cagbə əŋjənyɔɛ jajra y'edɔ kə i wɔ nɔ a tɔ a, ye i mí dɔ ɖidə mi kidə Titə. ¹⁹ Ȑ nyi hunna ɖəɖə i o, əhabɔbɔ wo i ɖə e bə na zɔn əmɔ kidə mí, nə mía wɔ xomənyɔcɔyɔcɔ hunna, kə wo sə də asi nə mí, i à nyi kafu kafu nə Àxotɔ ɳta, i a gbə na i mía jronyɔɛ ca la nyi ɖəɖə disa

²⁰ Mí lè wɔ də arɔkpa qəsyadə, nə amə də jí ka va kpɔ ənyu də nu də, èho sùgbɔ hunna kə wo sə də àsi nə mí a ñu o. ²¹ Mí jinɔ a wɔ cù ənunyɔe, jí nyi lè Àxotɔ ñkɔ dədə o, vò a, lè agbətɔ wo ñkɔ ca.

²² Mí dɔ mía nɔvi bulɔmə kidə wo qidə mi; mí do e kpɔ l'ènu sùgbɔ mə, i i də nɔ disa gasyagamə bə ye də nə vèvə ənu, ifya a, cagbə kàkadəji gaŋgan kə i wɔdə də mia ñu a, ye vèvədə nə ənu gbə jəji. ²³ Titə a, tiin kprɔdotɔ i i nyi, i nyi tiin hadɔwɔtɔ lè miagbɔ, nɔvi qdewawo kə kpɔ ε do awo a, amədɔqidə əhabɔbɔ wo tɔ i wo nyi, i lè wɔ ədɔ nə Kriso ye kafu kafu. ²⁴ Mi də disa nə wo bə mi rɔn wo nyawo, nə əhabɔbɔ wo na ka də ji, i nya bə àkɔ kə mí cɔ mi sə lè wɔ a, mía nyɔ jɔ.

Mawu rɔn nə amə kə na nə ənu kidə jìjì a

9 Alɔ kə wo ka də xɔsətɔ kə lè judee awo a, ñ gbə hian bə ma ñrɔ wema qidə mi də ñu o. ² Ðo ñ dəsi əjro nyɔe kə mi wɔdə a, i ñ cɔ nə mi sə wɔ àkɔ lè Masedwanitɔ wo gbɔ, i na nu bə: "Nɔvi kə lè Akayi awo l'ègbèsɔcsɔ mə i la na nə ənu amə co kɔnmə" mia bìbi də ədɔ ñu də zozo ranmə nə amə sùgbɔ. ³ È lè ənə gbɔxo ñ dɔ nɔvi wo qidə, nə àkɔ kə mí cɔ nə mi sə wɔ də ənu hunna ñu a, jí ka nyi gbalə o. I ñ ji bə mia sògbə sigbə ñ nu i a. ⁴ Nə jí nyi ənə o, nə ənyə kidə Masədwaniitɔ wo va, i kpɔ bə mi jí l'ègbèsɔcsɔ mə o, ñkpən la va lè mí, i la lè mia cawo, də kaka dəji kə ñ dɔ də mia ñu a ñu. ⁵ Ye i dɔ ñ kpɔ bə è jè bə ma byɔ co nɔvi wo gbɔ, nə wo a jəñkɔ ñ va mia gbɔ, i wo a lèñu də əjro nyɔe ye nu nana kə mi də y'ezə qdədəca a. Ènə a, ənunana hunna la l'ègbèsɔcsɔ gbɔxo naa va, hunna a wo a kpɔ bə mi na nə ənu kidə əjro nyɔe, ñ nyi ənu kə wo kri mi nɔ a o.

⁶ Mi dō la nya bē: amē kē do ənuku hōdēka a, hōdēka i i jin̄c, i amē kē do ənuku sùgbō a, sùgbō i i jin̄c. ⁷ Ènē a, amēsyamē na na ənu sigbē i cō gbēta mō lē ye jì mē a, jí ka nyi kidē ɳtikuku, nōmi amēkikri o, dō Mawu rōn nē amē kē na nē ənu kidē jìjē a. ⁸ Mawu wō ace dē i la na ənunyōe wo see mi l'ègbēsusumē. Ènē a, mia wō ənu dēsyadē kē dō la hian mi a wo see dē gadēsyadē mē, i à sùgbō lē mia si, i mia zan nē ε nē ədō nyōe dēsyadē. ⁹ Sigbē wo ɳrō ε dē lē Mawunyō wema mē a, ye i nyi:

«Ènē a ənu ayamēnu na sùgbō

y'ènunyōc wō cōc jétegbeε.»

¹⁰ Mawu kē na nē ənuku ənudotō, i na nē ənufudū i i dū nō a, la na ənuku kē hian mia wo see mi, i a sùgbō, i à wō i mia xomēnyōc la na əku sùgbō. ¹¹ Mi a jē àdòkù l'ənusyanu mē, i la sē wō xomēnyōc dō wo see, i amē wo la dē akpē nē Mawu cagbē ənu nana miatō kē mía vē cō nē wo a. ¹² Ðo ənu nana hunna y'edō a, η nyi alō dēdē nē xcsatō wo dēdē i o, é gbē dō nō i akpē dēdē nē Mawu sù n'ègbō dē ji. ¹³ Èdō hunna la cō ənu kē mi nyi a disa, i amē wo la kafu Mawu, cagbē ətonu kē mi sē nē ε, i dē nē xēsē kē mi dō nē ənjēnyōe Kriso tō a disa a. Wo a gbē kafu Mawu dō sigbē mi nyō xomē i ma nē mia dōku wo kidē wo, kidē amēdēya wo ca a. ¹⁴ Ðo afənu sùgbō sùgbō kē Mawu na mi a, i dō i wo xo nē ədē nē mi kidē rōnrōn ganŋgan. ¹⁵ Akpē i jē nē Mawu nē y'ənu nana kē kro i wo jí ka tē jí sē jrē dē ənu dē ɳu a o.

Pɔ̄lu j'èkumarin də y'edɔ̄ ji

10 Ènyé ñta Pɔ̄lu, ñ lə byɔ̄ mi to Kriso ye xomə fafa kidə ye xomə nyɔ̄nyɔ̄ mə, ènyé kə nyi amə fafa nə ñ lə mia domə, i na nyi amə wɔ̄ adan nə ñ lə afibu a: ² Íj də akpə nə mi, mi íj kaa wɔ̄ nə ñ va miagbɔ̄ a, ma wɔ̄ adan də mi o. Ðo ñ ləji a wɔ̄ adan də amə kə bu nɔ̄ bə ñtiran ye toto i mí kprɔ̄ nɔ̄ do i sə wɔ̄ nə ènu awo. ³ Nyawo a, àgbàtɔ̄ wo i mí nyi, vò a, mí íj lə cɔ̄ àgbàtɔ̄ ye zanzan sə lə wɔ̄ àhwà o. ⁴ Àhwà wɔ̄nu kə mí sə lə wɔ̄ àhwà awo íj nyi àgbàtɔ̄ wo tɔ̄ o, vò a, àhwa wɔ̄nu kə wo ñusən co Mawu gbɔ̄, i wo sə mu nə ègri sənju sənju wo a i. Mí cɔ̄ nə wo sə gban nə susu masɔ̄gbə wo see, ⁵ kidə àkɔ̄ wɔ̄wɔ̄ ye nuxo ñøsyadə, kə grɔ̄n nə èmɔ̄ nə, amə wo íj ka dəsi Mawu a. Mí lə nɔ̄ susu ñødøsyadə d'ëga, i na dɔ̄n wo nə wo a s'ètonu nə Kriso. ⁶ Mí l'ègbəssɔ̄ mə ñɛ, i nə mi s'ètonu nə Kriso nyòñgbin a, mí a dɔ̄n èto nə amə kə gbə ètonu səsə awo see.

⁷ Ñkuvi ta i mi kpɔ̄ nə ènu awo lə ñødø. Nə amədə ka dəji bə ye a nyi Kriso tɔ̄ a, amə a na nya bə sigbə ye nyi Kriso tɔ̄ a, nənə kə mía cawo mi nyi Kriso tɔ̄ a nə. ⁸ I bari nə ñ wɔ̄ àkɔ̄ diigbə hwèdèka a, cagbə ace kə Àxotɔ̄ na mí a tɔ̄ a, mí wɔ̄ ε nə mia ñkɔ̄ yìyì lə xɔ̄sə mə i, íj nyi nə mia concrɔ̄n o, ñkpən íj ka lə ñ o. ⁹ Nyè íj ləji bə ma wɔ̄ sigbə vòñvɔ̄n i ñ lə do nə mi, kidə tiin wema wo ènə o. ¹⁰ Nyawo a, amə wo nu nɔ̄ bə: «Ènyɔ̄ kə i ñrɔ̄ nɔ̄ də ye wema mə awo wɔ̄ nə ñusən ñɛ, i gbə wɔ̄ nə kpənkpən mə ñɛ. Vò a, nə yeñta lə miadomə a, íj wɔ̄ nə ñusən ñø ñɛ o, i ye nuxo xoxo ca íj wɔ̄ nə kpənkpən mə ñø ñɛ o.» ¹¹ Amə kə lə xo nuxo hunna a, na nya bə ènyɔ̄ kə mí nu nɔ̄

də mía wema wo mə gàkəmə mí l'azògə a, ye i mía gbə qə disa nə mi to mía nu wəcwə wo mə gàkəmə mia va miagbə a.

¹²Do mí j̄ ka doji kékə, i cō míadekiwo sə sō kidə aməqə, nɔmi mía jrə míadekiwo də amə kə cō nə wodəkiwo sə wə akə a ḥu o. Ènumanyat̄ wo i wo nyi, q̄o wo ḥtawo i wə nō wonu jrənu, wo jrə nə wodəkiwo də wodəkiwo ḥu. ¹³Míawo mí j̄ ka wə àkə zən l'axo ḥu o. Èd̄ kə Mawu cō də asi nə mí a, lefi i bə mía wə ε j̄ a, leena i mía wə àkə nōtə do, ye i wə, i mí va kékə mia gbə. ¹⁴Kə mí va miagbə a, mí j̄ wə əd̄ zən lə mía rixo ḥu o. Do mí va kékə miagbə, i hən èj̄enyęe Kriso t̄ va nə mi. ¹⁵Mí j̄ wə nə ənu zən l'axo ḥu o, mí j̄ cō nə əd̄ kə aməbulcmə wə a sə wə àkə o, wu ənə a, mí lə q̄o ḥku bə mia x̄sə na cin, nə mía gbə wə əd̄ kə wu əgan ənə a lə miadomə, sə zōn də rixo kə Mawu q̄o nə mía ji. ¹⁶Hunna ḥgbə a, mí co mía do Èj̄enyęe a yì əkan kə lə mia ḥgbə awo mə, q̄o mí j̄ ləji a cō əd̄ kə aməbulcmə wo wə lə wo d̄ wo mə a sə wə àkə o.

¹⁷Wo ḥr̄a bə:

"Nə amə qə ka wə àkə a,

na cō ənu kə Ètchonu wə a sə wə àkə".

¹⁸Ì nyi amə kə lə ka fu q̄eekya a, i nyi amə nyęe lə Àxot̄ ḥk̄o o, amə kə Àxot̄ kafu a i nyi amə nyęe.¹Ì ji bə mia r̄on nə ma nu cukunc̄ nyę əla hwədəka nə mi. Nyawo i, mi r̄on ma nu i nə mi ! ²Ì hwənəj̄u də mia tamə; èj̄uhwanhwan hunna a, Mawu gbə i i co. Do mi wçd̄e sigbə tugbeje lə alçji kékə ənə, i ḥ də əzə nə ḥucu q̄eka t̄t̄a bə maa cō mi q̄ə nə ε, ḥucu hunna i nyi Kriso. ³V̄ a, ḥ lə v̄onv̄on bə, sigbə mi l'ədu kidə Kriso q̄e lə əgbəj̄inu kidə lə ənu kékə wəcwə mə a, ənuqə j̄ ka va d'aya nə mia ye, nə mi a gbə Kriso q̄e, sigbə

Evə daci qəkia qəx, i ədan cə ayə sə brə e də mə ənə o. ⁴Nə amədəva nu, Yesu bulcmə y'ənyə nə mi, i i to əvo nə Yesu kə y'ənyə mí nu nə mia, mi rən nə wo nyə nyəngbin, i mia nə nə gbəsəcsə mə qəx, i la xə nə gbəngbən bulcmə kə to əvo nə, gbəngbən Mawu tə kə mi xə a, i la gbə xəgbə nə əñənyəs kə to əvo nə kə mi xə a. ⁵Amə hunna wo kə mi sə yə nə bə, wo nyi amədpəqidə ganjgan wo a, nyə ý bu bə ï nyi, ənu cukuvı nə wo lə, ənuqəken mə o. ⁶Wo co wo a nu bə nyə ý nya nuxo xoxo nyəngbin o. Və a, wo ý ka tə nu bə, nyə ý dəsi ənu o; qo mí qə e disa nə mi nyəngbin, to əmənu kprkpc awo see mə, l'ənu wo see mə. ⁷Gakəmə ï do əñə nyə Mawutə a nə mi a, ï do e nə mi gbale, ï cə qəkinyə hwe, i la cə mi cin. Ənu hunna kə ï wə a, ənuvəen i a? ⁸İ fyə əhabəbə bu wo, i xə ənu kə hian ï awo lə wo si, i na sə lə wə ədpə nə mia wo. ⁹Gakəmə ï lə miagbə, i lə əhian mə a, tiin gban ý kpən amədə o, qo, nəvi kə co Masədwani va wo hən ənu kə ï hian awo va ï. İ hən qəkinyə, nə nyə ï ka va nyi agban i lə əkəji nə mi, lə ənuqə mə o, i na a gbə lə hən qəkinyə nyəngbin ənə. ¹⁰To adodo Kriso tə, kə lə nyə mə a ji a, ï lə nu nə mi bə: Amədə ï ka tə grən əmcə ï bə nyə ka nu ənu hunna kə ï sə wə nə àkə a lə Akayi kan a see mə o. ¹¹Nukee də, i ï nu ənə? Nyə ï rən mi o i də a? Mawu nya bə ï rən mi! ¹²Ənu kə ï lə wə a, maa gbətrə lə wə ε, ənə a, amə kə lə ji əmcə i la jra ajə nə wodəkiwo, i la nu bə yəwo lə wə ədpə arəkpə qəka a, kidə mí məki awo a, ənu kə ïnu wo a sə qə do a, naa tu y'emə də wo. ¹³Amə hunna wo a, vixomədpəqidə i wo nyi, aməbləqətə wo i wo nyi, wo fru nə amə, i na cə nənəmə amədpəqidə Kriso tə wo tə. ¹⁴Ənukpacə amə qə ï ləna o, qo, Regba ïta fru nə amə, i na cə Mawuñədotə kəkrənə ye nənəmə. ¹⁵Ənukpacə amə qə

ŋ ləna, bə ye məsəntɔ wo na fru amə, i la cɔ nənɔ aməsəntɔ jɔ
wo tɔ o. Vò a, sigbə wo a vɔ mɔ a, la sògbə kidə ədə kə wo lə wɔ a.

Vəvə kə Pɔlu sə lə aməcpidə də mə a

11 Ij gbə lə nu i, amədə ŋ ka cɔ ŋ sə kpc cukunɔ o, nə i nyi ənə
i mi bu i do əhun, mi xɔ ŋ də cukunɔ ənə, nə nyə ca, ma tə ŋ
wɔ àkɔ hwədəka. ¹⁷ Nuxo kə ŋ lə xo ifya a, nyə ŋ lə xo e sigbə Àxotɔ
jro mɔ a o, vò a, ŋ lə xo e sigbə cukunɔ ənə. Ðo ŋ ka də ji bə ŋ kpc
ənu kə maa sə wɔ àkɔ a.. ¹⁸ Ðo amə sùgbə buwo, na kprɔ susu àgbətɔ
tɔ do, i na lə wɔ àkɔ, cagbə hunna tɔ a, nyə ca maa wɔ àkɔ. ¹⁹ Mi ɖo
nə əto, ətagomə masɔgbənɔ wo nyɔ kidə jijò, gbɔxɔ ŋununyatɔ i mi
nyi. ²⁰ Mi rɔn nɔ i, wo kpa nə ace nə mi sigbə hwasi wo ənə; mi rɔn
nɔ, i wo xo nə mi ɖu; mi rɔn nɔ i wo fyc nə mi, i xɔ nə mianu wo see;
mi rɔn nɔ, i wo kpc nɔ ətamə nə mi; mi rɔn nɔ, i wo xo nə ŋkuvi mə
nə mi. ²¹ Ènyɔ a, yə nunu lə wɔ ŋkpən ŋ: Mía wo mí ŋ wɔ ŋusən ɖe
l'ənu hunna mə o. Ganjkə a, nə amədə doji i cɔ ənuɖə sə wɔ àkɔ a,
ənyə ca maa doji i cɔ ənu hunna sə wɔ àkɔ. (Ij lə xonu sigbə cukunɔ
i ŋ nyi ənə) ²² Í nyi Èbretɔ, i wó nyi a ? Nyə ca ŋ nyi Èbretɔ. Í nyi
Izrayelə vi, i wo nyi a ? nyə ca ŋ nyi Izrayelə vi. Í nyi Ablaxamu
ye jijimə vi wo, i wo nyi a ? Nyə ca ŋ nyi Ablaxamu ye jijimə vi.
²³ Í nyi Kriso y'ədɔwɔtɔ, i wó nyi a ? Ifya, ma xo, cukunɔ nuxo: nya
ŋ nyi Kriso y'ədɔwɔtɔ wu wo. Ij wɔ əcəsənju sənju wu wo; wo lə
nə ŋ, də gakpamə wu wo; wo xo nə ŋ wu wo; ŋ jə afɔku əku tɔ wu
wo. ²⁴ Jifuwo xo ŋ, zəgbanciasidəke (39) də zatɔn ji. ²⁵ Wo xo ŋ kidə
əkpo, də zatɔn ji; wo da əkpe i a sə wu ŋ zədəka də zədəka ji; zatɔn
i ətɔjihun frigban də ŋ. Ij nɔ axu mə, nə ŋkəkə ɖəka kidə əzan ɖəka.
²⁶ Lə tiin mɔ zɔñzɔn sùgbə sùgbə awo mə a, ŋ to àfɔku mə, lə ətɔ wo

mə; ɳ to àfɔku mə, lə frafits wo mə; i to àfɔku mə, lə tiin dukɔn yemə wo mə; ɳ to afɔku mə, lə amə kə ñ yi jifu awo mə; i to àfɔku mə, l'edugan wo mə; ɳ to àfɔku mə, lə zogbəji; i to àfɔku mə, l'axu mə; ɳ gbə to àfɔku mə, lə amə kə xonə əvi bə yewo nyi nɔvi xɔsətɔ awo mə. ²⁷ ɿ wɔ ədɔ vaɖi vaɖi wo, i jə tətəkpɔ sənŋɔsənɔ wo mə, nyə ɳ tə dɔn nə arɔn gadəwo mə o; fifə lə ɳ, i əcigɔmə tən ɳ, i gàdəwo mə a, ma gbɔjen i na bra ənù, vùnɔ də nə aya ɳ; ənu kə maa do də goto a hian nɔ ɳ. ²⁸ Sə kpə nə ənu kə nyə ɳ hrən awo a, ənu kə gbə lə vəvədə ɳ a, i nyi bùkpɔ kə ɳ də nɔ ɳkə ɳkə də èhabɔbɔ awo see ɳu a. ²⁹ Ènə a, nə amədə gbojɔ a, ənyə ca ɳ gbo nə jɔ, nə amədə j'agɔ a, ə nyi nə vèvə səsə ɳ sùgbɔ. ³⁰ Nə i byɔ bə, ma wɔ àkɔ a, tiin gbɔjɔ gbojɔ i la dɔ i maa wɔ àkɔ. ³¹ Mawu, mía xotɔ Yesu Kriso ye Dada, kə jə nə kàfù kafu kékə sə yi manɔ a, nya bə nyə ñ lə xovi o. ³² Gàkəmə, ɳ lə Damasə a, ədugan kə cɔ əfyɔ Arətasə ye fɔ sə də ətə a, cɔ ssɔja wo d'ədugan a y'èhɔngbo wo see ji, nə wo a lə ɳ. ³³ Vɔ a, wo cɔ ɳ də kisi mə, to feteri kə wo qə, də əgri kə wo sə xa ədu a qə a qəka mə, do də əgri a y'ènɔgbə; sigbə ɳ si nə ε mɔ a nə.

Ènū kə Mawu qə disa nə Pɔlu awo

12 È jə i, ma wɔ àkɔ a? ɿ nyɔ o! ganjkə ifya a, ma xo nuxo də, ənu kə Àxotɔ wɔ i ɳ kpɔ awo kidə ənu kə i qə disa ɳ a wo ɳu. ² ɿ dəsi ɳucu lə Kriso mə qəka, i əxo aməwiənə kə a, Mawu cɔ ε yì jiŋkori amətɔn* a tɔ mə, yə ɳtiran mə i ì zɔn sə yì a? nyə ɳ nya o, nɔmi ɳ zɔn ye ɳtiran mə sə yì a? nyə ɳ nya o. Vɔ a, Mawu i nya ε. ³ Nyawo i! ɿ dəsi ɳucu hunna a. Ye ɳtiran mə i ì zɔn sə yì a? nɔmi ɳ zɔn ye ɳtiran mə sə yì a? Nyə ɳ nya o. Vɔ a, Mawu i nya ε. ⁴ Mawu cɔ

* 12:2 Mawu ye nɔxo i nyi jiŋkori amətɔn a tɔ lela.

ε yì ye nɔxo, i ì sè ənyu kə wo ñ ka tə ñ nu a o, ənyu kə wo ñ na əmɔ àgbàtɔ ḥekèn bə na nu a o leena. ⁵ Naa wɔ àkɔ də, hwenyɛ hunna y'etamɛ; vò a, nyɛ ñ ka wɔ àkɔ, də ḥekinyɛ etamɛ o, tiin gbɔjìgbɔjɔ wo ɖədə i la dɔ i maa wɔ àkɔ. ⁶ Ðo nə ñ ji i la wɔ àkɔ a, nyɛ ñ na nyi cukunɔ o, na a nu adodo. Ye i dɔ nyɛ ñ rɔn nɔ i wɔ nɔ àkɔ o, ɖo nyɛ ñ ji nɔ bə, amədə na wɔ susu ɖə ɖe də əñunyɛ, nə a wugan susu kə i wɔ ɖe də ənu kə i kpɔ, i ñ lə wɔ, kidə ənu kə i sə, i ñ lə nu a ñu o.

⁷ Ye i dɔ, nə akɔ wɔwɔ ñ ka ɖɔ tiin gbə mə, cagbə ənu ganŋgan ganŋgan hunna wo kə Mawu ɖə disa ñ a tɔ a, É cɔ vəvə səsə ɖeka də ran mə ñ; i ì wɔdɛ sigbə Regba ye ɳədotɔ ənə, i ì xo nə ñ, i sə tu àkɔ wɔwɔ mɔ də ñ. ⁸ I byɔ Àxotɔ zətɔn, bə na xɔ ñ lə vəvə səsə hunna mə. ⁹ È nū ñ bə: «Tiin fənu sun əwo, tiin ɳusən ɖə nə ɖekia disa lə gbɔjìgbɔjɔ gàmə.» Ye i dɔ, ñ l'egbəsɔcsɔ mə, i la cɔ tiin gbɔjìgbɔjɔ wo sə wɔ àkɔ, nə Kriso yə ɳusən na nɔ ənyɛ mə. ¹⁰ Cagbə hunna tɔ a, əji jɔ nə ñ lə gbɔjìgbɔjɔ wo mə, lə əzu wo mə, lə ənu co amə wo mə, lə aya də nə amə wo mə, lə vɔnɔn wo mə. Èji jɔ nə ñ lə ənu hunna wo, kə mə ñ to nɔ awo, cagbə Kriso tɔ a, ɖo gàkəmə ñ gbɔjɔ a, əgà hunna mə i ñ kpɔ nə ɳusən.

Èjì lə xo nə Pɔlu də Kɔrentitɔ wo ñu

¹¹ I trɔzun cukunɔ vɔ, miawo i dɔn ñ də mə, miawo i ɖo la kafu ñ gbɔxɔ. Bari nə nyɛ ñ na bə nyi, ənuɖə o a, nyɛ ñ nyi amə cukuvi l'ənuɖəken mə, nə amə kə mi kpɔ nɔ bə, wo nyi amədəɖiɖa ganŋgan awo o. ¹² Dəsi kə ɖə disa bə ñ nyi amədəɖiɖaawo i nyi ɖədə disa lə miadomə. Wo i nyi: jìgbɔjì xcɔc lə tətəkpɔ wo see mə, dəsi ənujìnu tɔ wo, amrimanu wo kidə ənujìnu wo. ¹³ Ènu kee i, ñ wɔ nə əhabɔbɔ

dəyawo, i nyə ñ wɔ nə mi o, zən lə àgbàn kə, nyə ñ nyi, l'ekəji nə mi a ñu o ? Àgò hunna kə ñ jə də mia, mi sə kə ñ. ¹⁴ Ènyə i gbə l'ègbəsəsə mə ñe, i la va miagbɔ zətɔn a tɔ kə, nyə ñ ka ñe gbə nyi àgbàn i nɔ əkəji nə mi o, də nyə ñ lə ji mia dɔku wo o, mianja wo i ñ lə ji. Nyawo a, ñ nyi əviwo i la bɔ, àdòku ñe nə wo məjito wo o, vɔ a, wo məjito wo i la bɔ àdòku ñe nə wo. ¹⁵ Ènya a, a nyi jijò ñ bə ma zan ənu kə ñ wɔ ñe a see, kidə ñekinyə ñta, i la sə kpədə mia ñu. Sigbə ñ rɔn mi də ənə a, rɔnrɔn kə hwe a i mia də ñ a ? ¹⁶ Nyawo a, mi rɔn bə nyə ñ nyi àgbàn i lə kpən mi o. Vɔ a, amədə wo la nu bə, ñ cɔ aye aməbrədu tɔ də ñkɔ, i cɔ vixo sə də feca nə mi, i mi jə mə. ¹⁷ Ù xo mi ñu, to amə kə ñ də ñida mia wo ñe ji a ? ¹⁸ Ù byɔ Titə, bə na va miagbɔ, i ñ dɔ, yə kidə nɔvi kə y'ènyɔ ñ nu nə mi a və ñida. Titə xo mi ñu a ? Ènyə kidə Titə a, ñ nyi susu ñeka a i mí lə zan, i gbə lə cɔ əmɔ ñeka a a? ¹⁹ Co xoxo a, mia lə bubə mí lə xɔ mía ñeka wo ta lə mia ñkɔ i a e ? Èo, mí ñ lə xɔ, əta nə mía ñeka wo o. Mí lə xonu lə Kriso mə, lə Mawu ñkɔ. Mía xɔ vəvə wo, mí lə nu ənyɔ hunna wo see nə mi, i la sə kpə də mia ñu, nə mia ñkɔ yìyì lə xɔsə mə. ²⁰ Ðo, ñ lə vɔnɔn bə, nə ñ va a, nyə ñ ka kpə mi, sigbə ñ jro ñ mɔ a o. Nə miacawo mi ñ ka va kpə ñ sigbə i jro mi a o. Ù lə vɔnɔn bə ajrə wɔwɔ, əñuhwan wo, xoməfyen, adika dədə wo, amə lɔlɔ wo, vixo xoxo, àkɔ wɔwɔ kidə ənu hannya hannya wɔwɔ wo la lə miadomə. ²¹ Ù lə vɔnɔn bə, nə ñ gbə trɔva miagbɔ a, Mawu la cɔ ñ hwə lə mia ñkɔ; i naa fan avin də amə sùgbɔ sùgbɔ kə jə àgò ñe ñe, i wo ñ trɔ gbə ənu xoñu ñu wɔwɔ, əhasi wɔwɔ; kidə àgbə xoñu xoñu kə wo zan awo ta.

Aye cɔ də ənu ji nə amə ciŋgbətə wo kidə aməcici wo

13 Èwɔ zətɔn a tɔ, i ñ gbɔnɔ miagbɔ kə. Sigbə Mawunyɔ wəma nu i a, " Kəŋgbàxo wo a co kojo nə amə qə a, wo qo a qo əto əkunnu qəqə, amə aməvə nɔ̄mi amə amətɔn tɔ." ² Ij nu i nə mi, gákəmə ñ va miagbɔ zəvə a tɔ a, ifya, kə nyə ñ lə miagbɔ a, ñ gbə trɔ lə nu i nə amə kə jə àgò qədəca a wo, kidə amədəya wo see. Ifya kə maa trɔ va miagbɔ a, nyə ñ ka kpɔe i nu i kidə amədəken o. ³ Kə i nyi bə, mi lə ji dəsi kə disa bə Kriso xo n'ənu to əjinyə a. Kriso ñ wɔ gbèjìgbɔjɔ y'enu qə lə miadomə o, vɔ a, ɣusən kə i wɔqə a i i qə nɔ disa lə miadomə. ⁴ Nyawo i, wo kran ε də aticoga ji, lə ye gbèjìgbɔjɔ mə, vɔ a, é lə àgbè lə Mawu yə ɣusən mə. Cagbə qəka wɔwɔ kə mə mí lə kidə a tɔ a, mí cawo, mí gbɔjɔ. Vɔ a, mí a va nɔ àgbè kidə e, to Mawu ye ɣusən kə la wɔ ədɔ va miagbɔ a mə.

⁵ Mi do miaqəkiwo kpɔ, i kijə miaqəkiwo yə mə kpɔ, bə mi lə xɔsə mə ma. Nɔ̄mi, mi ñ nya bə Yesu Kriso lə miadomə ə a ? Nə mi ñ nya ənə hun, mi gəjen lə miaqəkiwo dodokpɔ a mə. ⁶ Vɔ a, ñ xɔsə bə, mia nya bə, míawo a mí ñ gəjen lə dodokpɔ a mə o. ⁷ É l'ənə gbàxo, mí lə xoqə nə Mawu bə mi ñ ka wɔ ənunçen qəken o. Mia jro ñ nyi bə amə wo, na bubu bə mí di nə dòdokpɔ a i o, vɔ a, mía jro i nyi bə mía kpɔ i mia lə wɔ ənyɔe, bari nə i nyi mía wo i la gejen ca. ⁸ Do mí ñ wɔ ɣusən qəken qə, i la co də àdòdo a ɣu o, vɔ a, ɣusən kə mi wɔ qə a adodo a qəqə i, mía sə wɔ ədɔ nɔ. ⁹ Èjijɔ nə mí, gákəmə mí gbɔjɔ, i miawo mi wɔ ɣusən qə a; hunna i dɔ, i mía lə byɔ də mía qəxø wo mə bə, mia nyi amə sògbə. ¹⁰ Ènu kə dɔ, i ñ lə àzògə qə gbàxo, i lə ñrɔ ənu əla wo qidə mia kə: Gákəmə maa va miagbɔ a, nyə ñ

ka nyra adə də mi, cagbə ace kə Àxotə na ŋ a tə o. ðo ace kə Àxotə na ʃ a, ə na ŋ nə ma sə də alə mi, nə mia cin lə xùsə mə i, ʃ na ŋ nə ma sə crɔn mia xùsə o. ¹¹ Ifya a, nɔvi wo ! Mi nɔ jìjɔ kpɔkpɔ mə. Mi do nə ŋusən, i zan nə àgbè kə sɔgbè a. Mi do nə ŋusən əranmə nə miadəkiwo. Egbe na nɔ nə ədu nə mi. Mi nɔ nə àgbè lə fàfa mə, hunna a Mawu, rɔnrɔntə kidəfafatə a la nɔ ədu kidə mi. ¹² Mi kisi nɔvi nɔvi tə lə miadomə, i sə ci miadəkiwo. Nɔvi xùsətə wo see lə ci mi ɖifa. ¹³ Àxotə Yesu Kriso ye fənu, rɔnrɔn Mawu tə kidə ɖeka wɔwɔ kə gbɔngbɔn kɔkɔ na nɔ a, na nɔ ədu kidə miawo see.